

SCRIPT OF EVENING GOJRI NEWS BULLETIN 17MAR 2026
1700HRS

اوننگ گوجری نیوز بولیٹن 17 مارچ 2026

یوہ آکاشوانی جموں بے عبدالرحمان تے نصرت چوہدری تیں خبر سُنو۔

HEADLINES

۱۔ لوک سبھا مانہ متفقہ قرار دار تیں بعد 8 حزب اختلاف اراکین غی معطلی ختم کردتی گئی ہے۔

۲۔ لیفٹیننٹ گورنر منوج سنہا نے ریاسی غا تلوارہ مانہ پاسنگ آوٹ پریڈ غو جانیزو لیو تے انہاں نے کہیو امن تے استحکام نانہ برقرار رکھنو انتظامیہ غی اولین ترجیح ہے۔

۳۔ سرینگر مانہ ٹیولپ باغ غا کھلن ور عوام تے سیاحاں غی خاصی تعداد دیکھی گئی۔

۴۔ متبرک رات، شب قدر جموں کشمیر بھر مانہ نہایت عقیدت و احترام غے نال منائی گئی، جت ہزاراں غی تعداد مانہ عقیدت مند مسجد تے درگاہاں ور نظر آیا۔

MPs SUSPENSION REVOKED

لوک سبھا نے اج حزب اختلاف غا 8 ممبران پارلیمنٹ غی معطلی ختم کردتی ہے جد ایوان نے اس سلسلہ مانہ ایک تجویز متفقہ طور ور منظور کی یاہ تجویز پارلیمانی امور غا وزیر کرن ریجی جیو نے پیش کی۔ جس مانہ ممبرا پارلیمنٹ غی معطلی نانہ فوری طور ور ختم کرن غی سفارش کی گئی تھی۔ جناب ریجی جیو نے اس طرح کہیو..... جن ممبران پارلیمنٹ نانہ معطل کیو گیو تھو۔ اُن مانہ مانیکم ٹیگور، امرندر سنگھ راجہ وارنگ، گرجیت سنگھ اوچلا، بیبی ایڈن، ڈین کوریا کوز، پرشانت پاٹولے، کانگریس غا کرن کمار ریڈی تے سی۔پی۔آئی۔ایم غا ایس ویبکٹیسن شامل ہیں۔ واضع رہے ان حزب اختلاف غا 8 ممبران نانہ پچھلہ مہینہ غی 3 تاریخ نانہ بجٹ اجلاس غا باقی حصہ واسطے ایوان مانہ اُن غی بد نظمی غے باعث معطل کیو گیو تھو۔

LG PEACE DISRUPTION

جموں کشمیر غا لیفٹیننٹ گورنر منوج سنہا نے اج کسے وی ایسا قدم غے خلاف سخت انتباہ جاری کیو ہے۔ جہیرو معمول غی زندگی، بازاراں یا کاروباری سرگرمیاں مانہ خلل کھلن غی کوشش کریں۔ انہاں نے واضع کیو ہے ایسا عناصر غے سنگ سختی نال نمڑیو جے گو۔ تے انہاں نانہ مکمل طور ور جواب دہ ٹھہرایو جے غو۔ ریاسی ضلع غا تلواڑہ علاقہ مانہ جموں کشمیر پولیس غا 430 نواں پرتھی ہون آلا کانسٹیبلز غی پاسنگ آوٹ پریڈ غا موقع ور ایک اجتماع سنگ خطاب کرتا واں لیفٹیننٹ گورنر موصوف نے اس گل ور زور دتو جے امن تے استحکام نانہ برقرار رکھنو انتظامیہ غی اولین ترجیح ہے۔ انہاں نے کہیو جے کسے نانہ وی اس گل مانہ شک نی ہونو چاہیے کہ انتظامیہ انتشاد پھیلان آلاں غے خلاف سخت کاروائی کرے غی۔ اس موقع ور بولتا واں انہاں نے اس طرح کہیو.....

DIG SECURITY REVIEW

آن آلا نوراتری تہوار غے پیش نظر ادھمپور ریاسی حلقہ غی پولیس غا اعلیٰ افسر سارہ رضوی نے کٹرا مانہہ ایک مشترکہ محفوظی جائیزہ اجلاس غی صدارت کی ، جس مانہہ تہوار غا پُر امن تے بہتر انعقاد واسطے تیاریاں غو جائیزو لیو گیو۔ اجلاس غے دوران ضلع ریاسی غا سننیر پولیس افسر نے کٹرا شہر واسطے مکمل محفوظی منصوبہ پیش کیو تے کٹرا شہر ، یاترا غا رستا تے درگاہ غا انتظامات غا بارا مانہہ تفصیلی جانکاری دتی۔ افسر نے اس گل ور زور دتو کہ زائرین غی مکمل حفاظت نانہہ یقینی بنانو اولین ترجیح ہے۔ اجلاس مانہہ اہم ہدایات جاری کی گئیں جن مانہہ اچانک ناکاں غا قیام ، گڈیاں غی سخت جاتج پڑتال تے جموں کشمیر پولیس تے مرکزی حفاظتی دستاں غی مشترکہ 24 گھنٹہ گشت شامل ہے۔

ERSS KATHUA

عوامی تحفظ نانہہ مضبوط بنان تے ہنگامی رد عمل غا نظام نانہہ بہتر بنان در ایک اہم قدم غا طور ور ایس۔ایس۔پی کٹھوعہ موہتا شرما نے ضلع پولیس لائنز یعنی ڈی۔پی۔ایل کٹھوعہ تین ہنگامی امدادی نظام یعنی ای۔آر۔ایس۔ایس ڈائیل 121 غی 8 گڈیاں نانہہ روانہ کیو ہے۔ اس قدم غے تحت ضلع کٹھوعہ غا ہر پولیس سٹیشن نانہہ ایک مخصوص ہنگامی حالات مانہہ امدادی گڈی فراہم کی گئی ہے۔ تانجے حادثات ، تناذعات ، جرائم تے ڈائیل 112 غے ذریعے موصولی ہون آلی تمام ایمرجنسی کالز ور بروقت موثر تے فوری کاروائی یقینی بنائی جاسکے۔ ان گڈیاں مانہہ تربیت یافتہ پولیس اہلکار تائیات ہیں تے انہاں نانہہ ضروری مواصلاتی۔ورد عمل تدارک غا آلات سنگ لیس کیو گیو ہے۔

DEVIKA MELA UDH

ضلع انتظامیہ ادھمپور نے ترے روزہ تاریخی دیویکا بیساکھی میلہ غی تیاریاں غو آغاز کردتو ہے۔ چہڑو 14 اپریل 2026 تیں شروع وے غو۔ میلہ غو بہتر تے کامیاب انعقاد نانہہ یقینی بنان واسطے ، ضلع افسراں تے معزز شہریاں گو ایک اجلاس ، ڈپٹی کمشنر منگا شرپا غی صدارت مانہہ منعقد ہوو۔ اجلاس مانہہ حفاظت غے متعلق ، پین غو صاف پانی ، بجلی غی فراہمی ، صفائی ستھرائی ، ٹریفک نظام تے ابتدائی طبی امداد جیسا انتظامات ور تفصیلی غور۔وخوض کیو گیو۔ تانجے بڑی تعداد مانہہ آن آلا زائرین نانہہ سہولت فراہم کی جاسکیں۔ اس بارے مزید گل کرتا واں ایڈیشنل ڈپٹی کمشنر ادھمپور پریم سنگھ نے اس طرح کہیو۔-----

TULIP GARDEN

سرینگر مانہہ واقع اندراہ گاندھی میموریل ٹیولپ گارڈن یعنی باغ گل لالہ ایک بار فر فطرت غا سائقین واسطے کشش گو مرکز بن گیو ہے کیونجے اس غا گل افتتاح غے بعد تیں سیلانیوں غیر معمولی ہجوم دیکھن مانہہ آرہیو ہے۔ جیساں جیساں دن گزرتا جینگا ایشیا غا سب تیں بڑا ٹیولپ گارڈن مانہہ آن آلاں غی تعداد مانہہ مزید آجافو متوقع ہے۔ کیونجے پُر جوچ مہمان خاص طور ور ملک گا

وی کہیو گیو ہے کہ قواعد غی خلاف ورزی کرن آلاں ور 50 ہزار روپیہ توڑی
غو جرمانو عائد کیو جاسکے، یا اُن غا پالتو جانور نانہ وی ضبط کیو جاسکے۔
حُکام نے شہریاں تیں اپیل کی ہے کہ وہ ان ہدایات ور سختی سنگ عمل کریں
تاجے صحت بارے خطراں تیں بچیو جاسکے، تے شہر نانہ صاف ستھرو تے
محفوظ بنايو جاسکے۔

WEATHER

جموں خطہ غا بکھ بکھ حصاں مانہ گزشتہ روز، ہلکی تے درمیانہ درجہ غی بارش
درج کی گئی۔ محکمہ موسمیات غے مطابق 18 تیں 20 مارچ ہشکار مغربی
ہواواں غا نواں دباؤ غی پیشن گوئی کی گئی ہے۔ تے کساناں نانہ اس عرصہ
غے دوران کاشت کاری غی سرگرمیاں نانہ ملتوی کرن بارے کیو گیو ہے تے
مسافراں نانہ اس دوران احتیاط برتن غی ہدایت دتی ہے۔ اس راہ، محکمہ
موسمیات غا سرینگر مانہ قائم مرکز تیں جاری کی گئی پیشن گوئی غے مطابق
20 مارچ توڑی جموں کشمیر مانہ موسمی
حالات بدلتا ریں غا، تے یوٹی غا بکھ بکھ علاقاں مانہ رُک رُک غے بارش تے
برفباری ہون غا امکان ہیں۔
